

昌黎先生文集

十一

昌黎先生文集卷第二十六



墓銘

門人李

漢



唐朝散大夫贈司勳員外郎孔君墓誌

銘

昭義節度使盧從史有賢佐曰孔君諱戡字君勝從史為不法君陰爭不從則於會肆言以折之從史羞面頸發赤抑首吐一作伏氣不敢出一語以對立為君更令改章辭者前後累數十坐則與從史說古今君臣父子之道順則受成福逆輒危辱誅死且曰公當為彼不得為此從史常聳聽喘汗居五六歲益驕有悖語君爭無改悔一有意色則悉引從事空一府往爭之從史雖羞退益甚君泣語其徒曰吾所為止於是不能以有加矣

昌六

一

遂以疾辭去卧東都之城東酒食伎樂之燕不與當是時天下以為賢論士之且在天子左右者唯皆曰孔君云云一無下云字會宰相李公鎮揚州首奏起君君猶卧不應從史讀詔曰是故舍我而從人耶即誣奏君前在軍有其事上曰吾知之矣奏三上乃除君衛尉丞分司東都詔始下門下給事中呂元膺封還詔書上使謂呂君曰吾豈不知戡也行用之矣明年元和五年正月將浴臨汝之湯泉壬子至其縣食遂卒年五十七公卿大夫士相弔於朝處士相弔於家君卒之九十六日詔縛從史送闕下數以違命流于日南遂詔贈君尚書司勳員外郎蓋用嘗欲以命君者信其志也其年八月甲申從葬河南府河陰縣之廣武原君於為義若嗜欲勇

不顧前後於利與祿則畏避退處如怯夫然始舉進士
第自金吾衛錄事參軍爲大理評事佐昭義軍軍帥死
從史自其軍諸將代爲帥請君曰從史起此軍行伍中
凡在幕府唯公無分寸私公苟留唯公之所欲爲君不
得已留一歲再奏自監察御史至殿中侍御史從史初
聽用其言得不敗後不聽信惡益聞君棄去遂敗祖如
圭一作珪皇海州司戶贈工部員外郎父岑皇著作郎
贈駕一作刑部員外郎君始娶弘農楊氏女卒又娶其
舅宋州刺史京兆韋妃女皆有婦道凡生一男四女皆
幼前夫人從葬舅姑兆次卜人曰今茲歲未可以祔從
卜人言不祔君母兄幾尚書兵部員外郎母弟戢殿中
侍御史以文行稱朝廷崇葬以韋夫人之季弟前進士

昌二六

二

楚材之狀授愈曰請爲銘銘曰

允義孔君茲維其藏更千萬年無敢壞傷

故中散大夫河南尹杜君墓誌銘

杜氏自戴侯畿始分戴侯之子恕爲幽州刺史今居京
兆諸杜其後也其季寬孝廉郎中寬後三世曼爲河東
太守葬其父洹水其後世皆從葬洹水之陽及正倫爲
太宗宰相猶表封襄陽公太宗始詔葬京兆襄陽公無
子以兄正臧子志靜後遂嗣襄陽公襄陽公生僑爲懷
州長史棄官老沁水上爲富家卒葬懷州武陟縣長史
生嶺爲左司郎中卒贈大理少卿大理生廩爲鄭州錄
事參軍死思明亂贈史部郎中公諱兼字某郎中第三
子舉進士及第司徒比平王燧戰河北掌書記累官至

監察御史其後佐徐泗州軍遂至濠州刺史徐泗州軍
亂以兵甲三千人防淮道不絕有功加御史中丞賜紫
衣金魚入為刑部郎中以能官拜蘇州刺史既辭行上
書曰李錡且反必且奏族日上固愛其才書奏即除吏
部郎中遂為給事中出為商州刺史金商防禦使改河
南少尹行大尹事半歲拜太尹元和四年十一月二十
二日無疾暴薨年六十明年二月甲午從葬懷州夫人
常山郡君張氏彭州刺史贈禮部侍郎既之女生子男
三人柔立為天長主簿詞立為壽州參軍詎立為順宗
挽郎女一人將葬公之母兄太學博士與與公之夫人
及子男女謀曰葬宜有銘凡與我弟游而有文者誰乎
曰韓愈爾遂來請銘銘曰

杜氏大家世有顯人承繼綿綿以及公身始為進士乃
篤朋友及作大官克施克守纂辭奮筆洵若不思公牒
盈前笑語指麾祿以給求食以會同不畜不收庫廩虛
空事不在人日遠日忘何以傳之刻此銘章

唐一無唐銀青光祿大夫左散騎常侍

致仕陽平路公神道碑文

惟路氏遠有世一作代序自隋尚書兵部侍郎諱衮一

作充四世而至龔公龔公諱嗣恭以小邑蕭關令發

聞開元受錫更名書于太史治行靈州終功南邦享有
丕祉紹開厥家官至兵部尚書封異國公薨贈尚書左
僕射司空公諱應字從衆龔公之嫡子用大君子謹飭
擢至侍御史著作郎遷一作選刺虔州割隸寧都作縣

安遠以利民一作人屬鑿敗灘石以平贛梗陶甃而城
罷民一作人屢築詔嗣巽封又加尚書屯田郎中進服
色遂臨干温築堤岳一作樂城橫陽界中二邑得上田
際水害拜尚書兵部郎中兼御史中丞淮南軍司馬改
刺廬州又甃其城民一作人不歲苦一作苦人為尚書
職方郎中兼御史中丞佐鹽鐵使使江東有功用半歲
遷常州遷至宣歙池觀察使進封襄陽郡公至則出倉
米下其估半以廩餓人蜀劉闢誅行軍千五百人於蜀
李錡將反以聞置鄉兵萬二千人錡反命將帥以卒救
湖常坐牢江東心錡以無助敗縛一無縛作響山亭營
軍于左右權丞相善之鑿其說響山石居宣五年以疾
去位一作職校其倉得石五十萬餘府得錢千者八十

萬公之為州逢水旱喜賤出與民一作人歲熟以其得
收常有贏利故在所民不病飢而官府蓄積元和六年
天子憫公疾不可煩以職即其處拜左散騎常侍以其
祿居其歲九月望薨于東都正平里第享年六十七明
年葬京兆萬年少陵原夫人滎陽鄭氏祔既而其子臨
漢縣男貫與其弟賞貞謀曰且有列也告於叔父御史
大夫鄜坊丹延觀察使恕因其族弟進士群以來請銘
遂以其事銘曰

巽公之封維艱就功襄陽繼大啓慶自躬于虔泊一作
槩温厥緒既作以及職方遂都邦伯朝夕民事下完上
實師于其鄉鄰寇逼屈營軍響山墻屋修施襄功一作
嘉刻表丞相之辭受代而家叙疏及邇病不能廷一作

起食祿卒齒凡卅大家維艱其保旣顯旣碩戒于終咎
伊我襄陽克慎以有延畀後承莫不率守有墓于原維
樹有經以告無期博士是銘一作傳卅是銘一

烏氏廟碑銘

元和五年天子曰盧從史始立議用師于恒乃陰與寇
連誇謾兇驕出不遜言其執以來其四月中貴人承璀
即誘而縛之其下皆甲以出操兵趨譚牙門都將烏公
重胤當軍門叱曰天子有命從者有賞敢違者斬於是
士皆斂兵還營卒致從史京師壬辰詔用烏公為銀青
光祿大夫河陽軍節度使兼御史大夫封張掖郡開國
公居三年河陽稱治詔贈其父工部尚書且曰以其廟
享卽以其年營廟于京師崇化里軍佐竊議曰先公旣

昌于六

五

位常伯而先夫人無加命號名羞卑於配不宜語聞詔
贈先夫人劉氏沛國太夫人八年八月廟成三室同宇
祀自左領府君而下作王于弟乙巳外于廟烏氏著於
春秋譜於卅本列於姓苑在言者存在齊者一無者二

字有餘有一無有枝鳴皆為大夫秦有獲為大官其後

卅之江南者家鄱陽處北者家張掖或入夷狄為君長
唐初察為左武衛大將軍實張掖人其子曰令望為左
領軍衛大將軍孫曰蒙為中郎將是生贈尚書諱承治
字某烏氏自莒齊秦大夫以來皆以材力顯及武德已
來始以武功為名將家開元中尚書書管盧先鋒軍屢破
奚契丹從戰榛祿走可汗于渤海上海至馬都山吏民逃
徙夫業尚書領所部兵塞其道漸原累石綿四百里深

高皆三文寇不得進民還其居歲罷運錢三十萬餘黑
水室韋以騎五千來屬麾下邊威益張其後與耿仁智
謀說史思明降思明復叛尚書與兄承恩謀殺之事發
族夷尚書獨走免李光弼以聞詔拜冠軍將軍守右威
衛將軍檢校殿中監封昌化郡王左領軍使積粟厲兵
出入耕戰以疾去職貞元十一年二月丁巳薨于華陰
告平里年若干即葬於其地二子大夫為長李白重元
為其官銘曰烏氏在唐有家於初左武左領二祖紹居
中郎少卑屬于尚書不償其勞乃相大夫授我戎節制
有一作有其疆墟備禮登壇一云數備禮登以有宗廟
作廟天都以致其孝右祖左孫爰饗其報云誰無子孰
其一作其孰無孫克對無羞乃惟有八念昔平盧為艱

昌士六

六

為瘁大夫承之危不棄義四方其平士有一作其迨息
來覲來齋以饋黍稷

唐故河東節度觀察使滎陽鄭公神道
碑文

河東節度使贈尚書右僕射鄭公葬在滎陽索上元和
八年六月庚子太史尚書比部郎中護軍韓愈刻
碑曰司馬氏遷江南有鄭豁者仕慕容垂國為其太子
少保其孫簡當拓拔魏為滎陽太守後簡者號其族為
南祖南祖之鄭入唐有為利之景谷令者曰嘉範於公
為曾祖是生撫俗為泗州徐城令徐城生公之父曰洪
卒官涼州戶曹參軍公諱儋少依母家隴西李氏舉止
異凡兒其舅吏部侍郎季卿曰必其能再立鄭氏稍長

能自謀學明左氏春秋以進士選爲太原參軍事對直
言策拜京兆高陵尉考府之進士能第上下以實不以
姦樊僕射澤以襄陽兵戰淮西公以參謀留府能任後
事戶曹殞于涼涼地入西戎自景谷徐城三卅皆來還
榮陽葬公解官舉五喪爲三墓葬索東徐城墓無表公
能使幼長哀感心來求不置一作匱以得舊人指告其
處其後爲大理丞太常博士遷起居郎尚書封對吏部
二郎中能官舉其名德宗晚節儲於其軍以公爲河
東軍司馬能以無心處嫌間卒用有就貞元十六年將
說死即詔授司馬節度河東軍除其官爲工部尚書太
原尹兼御史大夫北都留守公之爲司馬用寬廉平正
得吏士心及升大帥持是道不變部將有因貴人求要

職者公不用用老而有功無勢而遠者削四鄰之交賄
省誇嬉一作嬉嬉之大燕講校武事施罷不俟日用能
以十月成政賦征就寬軍給以饒十七年疾廢朝夕八
月庚戌薨享年六十一天子爲之不能臨朝者三日贈
尚書左僕射即以其年十月辛卯葬索上疾比薨醫問
交道比葬弔贈賜使者相及凡河東之軍士與太原之
氓吏及旁九郡百邑之鰥寡外夷狄之統於府者聞公
之薨皆哭曰吾其如何公與賓客朋遊飲酒必極醉投
壺博弈窮日夜苦樂而不厭者平居簾閣據几終日不
知有人別自號白雲翁名人魁士鮮不與善一作其好
樂後進及門接引皆有恩意始娶范陽盧氏女生仁本
仁約仁載皆有文行二季舉進士皆早死仁本爲後子

獨存不樂舉選年二十餘始佐河陽軍後娶趙郡李氏
生三女二夫人凡三男五女長女嫁遼東李繁繁亦名
日子有才學遺命二夫人各別爲墓不合葬系曰
士常患勢卑不能推功德及人常患貧無以奉所欲得
若鄭公者勤一生以得其位而曾不得須臾有焉雖然
觀其所既立其可知已嗚呼哀哉

魏博節度觀察使沂國公先廟碑銘序

朝議郎守尚書比部郎中史館修撰

護軍韓愈奉勅撰

元和八年十一月壬子上命丞相元衡丞相吉甫丞相
絳一無卞丞相孚召太史尚書比部郎中韓愈至政事
堂傳詔曰田引正始有廟京師朕惟引正先祖父厥心

昌六

靡不嚮帝室訖不得施乃以教付厥子維引正銜訓嗣
事乃朝夕不怠以能迎天之休顯有不功維父子繼忠
孝子維寵嘉之是以命汝愈銘欽哉惟時日愈承命悽
恐明日詣東上閤門拜疏辭謝不報退伏念昔者魯僖
公能遵其祖伯禽之烈周天子實命其史日克作爲駟
馱泮閼之詩使聲于其廟以假魯靈今天子嘉田侯能
服父訓不違用康靜我國家蓋寵銘之所以休寧田氏
之祖考而日適執筆隸一无隸大史奉明命其可以辭
謹案魏博節度使銀青光祿大夫檢校工部尚書兼魏
博一作州大都督府長史御史大夫所國公田引正北
平盧龍人也故爲魏博諸將忠孝畏慎田季安卒其子
幼弱用故事代父人吏不附迎引正於其家使領軍事

弘正籍其軍之衆與六州之人還之朝廷悉除河北故事比諸州故得用爲帥已而復贈其父故滄州刺史兵部尚書母夫人鄭氏梁國太夫人得立廟祭三代曾祖都水使者府君祭初室祖安東司馬贈襄州刺史府君祭二室兵部府君祭東室其銘曰

唐繼古帝海外受制洽于太寧燕盜以驚群黨稍維河北失平號登元和大聖載營風揮日舒咸順指令業業魏土嬰兒戲兵吏戎愁毒莫保腰領一作頸人曰田侯其德可倚叫譟奔趨乘門請起田侯攝事奉我王一作天明束縛弓戈考校度程堤壇藉戶來復邦經帝欽良臣曰維錫予嗟我六州始復故初告慶宗廟降以命書旌節有韜豹尾神旗橐纒戟纛以長魏師田侯稽首曰

昌黎先生文集卷第二十六

九

愚不肖迨茲有成祖考之教帝曰愈哉維汝忠孝子思乃父追秩夏卿娘德娘賢梁國是榮田侯作廟相方視址見千著龜祖考咸喜暨暨田侯兩有文武訖其外庸可作丞輔咨汝田侯勿亟勿遲觀饗式時祖考之思一作爾祖之思

昌黎先生文集卷第二十六

田弘正廟碑今在京北府解行石本校銜訓嗣事乃作銜訓事嗣無乃字能服父訓無能字魏博大都督作魏州大都督莫保署鎮作署頭奉我王明作天明堤壇作提疆告慶宗廟降以命書作告慶于宗以降命書凡差九字

昌黎先生文集卷第二十七

碑碣

門人李

漢

編

劉統軍碑

唐故陳許鄆度使金紫光祿大夫檢校尚書左僕射兼御史大夫右龍武統軍彭城郡開國公食邑二千戶贈潞州大都督劉公諱昌裔字光後薨既葬將反柩一作机于京師舍于墓次故吏文武士門人送客訖事會哭將退咸顧戀牽連一口言曰自我公薨至葬凡所以較德焯一作悼勤者莫不粗完隱卒一作連崇終有都督之詔日事時功以著不可以誣有太史之狀有太常之狀有謚有誄有幽堂一作室之銘又如即一作加印外碑刻文以顯詩之其於傳無已豈不益可保於是相許

昌黎

一

諾以告其孤縱二哭捨杖拜曰縱不敢違則相與刻銘文曰

劉處彭城本自楚元陽曲之別繇公祖遷公曾祖考為朔州守祖令太原仍世北邊樂其高塞一作寒棄楚不還逮于公身三世晉人公生而異魁顏鉅臯幼如奇退少長好事西戎乘勢盜有河外公雖家居為國暗一作瘖噫來告邊師可破之計楊琳為橫巴蜀靡周公由游寄單船諭招折旗燻尾不得動搖琳後來降公不有功終琳之已還卧民里蓋古有云人職其憂無事於一作死職而與國謀德宗之始為曲環起奮為檄書彊寇氣死決敗筭成効於屈指環有許師公遂佐之蘇民戰一作軋敵多出公畫累拜郎中進兼中丞雖在陪貳天子

所憑蔡卒幸喪圍我許郟新師不牢助勦將逋公為陳
力應變為城與之上下寇无所賴遂至道敗以功遷陳
實許之半聲駕元侯以勢自憚復入居許為軍司馬脫
權下威士心益歸卒嗣環職棄惡從德乃與蔡通塗其
榛棘雅羞嬉傲連手歌謳上無可怨外無與讎既長事
一作士官峻一作安之大夫其償一作賞未塞僕射已
都及癸巳歲秋涌水出流過其部破民廬室公即䟽言
此皆臣慙防斷不補瀆一作責民於泉臣耄且疾宜即
大罰上曰苗害大且其來允余之思其可止哉驛隸走
呼有中使來公迎于驛遂行不迴六月隆軌上下歌一
作歌絕公鞭公驅去馬以輿公病日惡不能造闕仆卧
在宅閔有加錫命為統軍龍武之右兼官左相百僚長

昌十七

二

首冬十一月日將苟至公遂薨徂年六十二奏聞恒悼
俾官臨弔悲不聽朝贈督潞州存歿之資於數為優明
年九月東葬金谷公徃有命匪後人卜

衢州徐偃王廟碑

徐與秦俱出柏翳為嬴姓國於夏初周世咸有大功秦
處西偏專用武勝遭世衰無明天子遂虎吞諸國為雄
諸國一作侯既皆入秦為日屬秦無所取利上下相賊
害卒償其國而沈其宗徐處得地中文德為君及偃王
誕當國益除去刑爭末事凡所以君國子民待四方一
出於仁義當此之時周天子穆王無道意不在天下好
道士說得八龍騎之西游同王母宴于瑤池之上歌謳
忘歸四方諸侯之爭辨者無所質正咸賓祭於徐贄王

帛死生之物于徐之廷者三十六國得朱弓赤矢之瑞
穆王聞之恐遂稱受命命造父御長驅而歸與楚連謀
伐徐二不忍鬪其民北走彭城武原山下百姓隨而從
之乃有餘家偃王死民號其山為徐山鑿石為室以祠
偃王偃王雖走死失國民戴有嗣為君如初駒王章禹
祖孫相望自秦至今名公巨人繼跡史書徐氏十望其
九皆本於偃王而秦後迄茲無聞家夫於栢鬻之緒非
備有厚薄施仁與暴之報自然異也衢州故會稽太末
也民多姓徐氏支縣龍丘有偃王遺廟或曰偃王之逃
戰不之彭城之越城之隅棄王几研于會稽之水或曰
徐子章禹既執於吳徐之公一作宗族子弟散之徐揚
二州間即其居立先王廟云開元初徐姓二人相屬為

刺史帥其部之同姓改作廟屋載事于碑後九十年當
元和九年而徐氏放復為刺史放字達夫前碑所謂今
戶部侍郎其大父也春行視農至于龍丘有事于廟思
惟本原曰故制狃樸下穿不足以揭虔安靈而又梁桶
赤白哆剥不治圖像之威黜於既反昧就滅藩拔級夷
庭木禿缺祈旺日慢祥慶弗下州之支郡一作羣吏不
獲蔭庇余惟遺紹而尸其土不即不圖以有資聚罰其
可辭乃命因故為新衆工齊事惟若月日工告訖功大
祠于廟宗御一作鄉咸序應是歲州無怪風劇雨民不
夭厲穀果完實民皆曰耿耿社哉一作社哉社哉其不
可誣一作我不可誣乃相契請辭京師歸而鏡之于石
辭曰

秦傑以顛徐田邈綿秦鬼久飢徐有廟存婉婉偃王惟
道之耽以國易仁為英于頑自初擅命其實幾姓歷短
言一作言長有不償亡課其利害孰與王當姑篾之墟
太末之里誰思王恩立廟以祀王之聞一作後孫世世
多有唯臨茲邦廟土實守堅嶠之後達夫廓之王歿万
年如始祔時王孫多孝世奉王廟達夫之來先慎詔教
盡惠廟民不主於神維是達夫知孝一作老之元太末
之里姑篾之城廟事時脩仁孝振聲宜寵其人以及後
生嗟二維土雖死一作古誰亢王死于仁彼以常一作
暴喪文追作誄刻示茫茫元和十年十二月九日立福
州刺史元錫書

袁氏先廟碑

昌七

四

素公滋既成廟明年二月自荆南以旌節朝京師留六
日得壬子春分率宗親子屬用少牢于三室既事退言
曰嗚呼遠哉維世傳德襲訓集余乃今有濟今祭既不
薦金石音聲使工歌詩載烈象容其奚以飭雅昧於長
父唯苟繫羊豕幸有石如具一作其著先人名跡因為
詩繫之語下於義其可雖然餘不敢必屬篤古而達於
詞者遂以命愈二謝非其人不獲命則謹條素氏本所
以出與其世系里居起周歷漢魏晉拓拔魏周隋入國
家已來高曾祖考所以劬躬壽後委祉于公公之所以
逢將承應者有繫有詳而綴以詩其語曰

周封一作封後為陳陳公子有為大夫食國之地素
鄉者其子孫世守不失因自別為素氏春秋世陳常歷

於楚與中國相加一作知允疏袁氏猶班二可見于譜
常居陽夏陽夏至晉屬陳郡故號陳郡袁氏博士固申
儒過黃唱業於前至司徒安懷德於身袁氏遂大顯連
世有人終漢連魏晉分仕南北始居華陰為柘拔魏鴻
臚鴻臚諱恭生周梁州刺史新安縣孝侯諱頻一作穎
孝侯生隋左衛大將軍諱溫去官居華陰武德九年以
大羣薨始葬華州左衛生南州刺史諱士政南州生當
陽令諱倫於公為曾祖當陽生朝散大夫石州司馬諱
知玄司馬生贈工部尚書咸寧令諱曄是為皇考袁氏
舊族而當陽以通經為儒位止縣令石州用春秋持身
治事為州司馬以終咸寧備李而貫以一文武隋一作
隨用謀行功從出入有立不爵于朝之三世且達而室

歸成後人數當于公公惟曾大父公皇考妣三世存不
大夫食及祭在于孫惟將相能致備物世彌遠禮則益
不及在慎德行業治圖功載名以待上下無細大無敢
不敬畏無早夜無敢不思成于家進于外以立于朝自
侍御史歷工部員外郎祠部郎中諫議大夫尚書左丞
華州刺史金吾大將軍由卑而鉅莫不官稱遂為宰相
以贊辯章事仍持節將蜀滑襄荊略苞河山秩登祿富
以有廟祀具如其志又垂顯刻一作烈以教无忘可謂
大孝詩曰素自陳分初尚蹇一作連越秦造漢博士發
論司徒任德忍不錮入收功厥後五公重尊晉氏于南
來處華下鴻臚孝侯用適操捨南州勤治取最不懈當
陽耽經唯義之畏石州烈烈學重春秋懿哉咸寧不名

一休趨難避成與時之浮是生孝子天子之宰出把將
符郡州承措數一作教以立朝祿以備器由曾及考心
堂異置栢版松楹其業一作造肆維素之廟孝孫之
為順勢即宜以詆以龜以平其巖屋墻持二孝孫來享
來拜廟庭陟堂進室親登邊劍肩膺胎酪其樽玄清降
登受胙于慶爾成維曾維祖維考之施于汝孝嗣以報
以祇凡我有今非本曷思刻詩牲繫維以告之

清河郡公房公墓碣銘

公諱啓字某河南人其大王父融王父瑄仍父子為宰
相融相天后事遠不大傳瑄相玄宗肅宗處艱難中與
道進退薨贈大尉流聲于茲父乘仕至秘書少監贈太
子詹事公胚胎前先生長食息不離典訓之內曰濡一

昌王

六

作濡耳染不孝以能始為鳳翔府叅軍尚少人吏迎觀
咸曰真房大尉家子孫一无孫也不敢弄以事轉同州
澄城丞益包飾理一作治同官憚伏衛晏使嶺南黜陟
求佐得公擢摘良茲南土大喜還遷昭應主簿裴曾鎮
湖南表公為佐拜監察御史部无遺事曾遷江西又以
節鎮江陵公一隨遷為佐曾累功進至刑部員外郎賜
五品服副冑使事為上介上聞其名徵拜虞部員外在
省籍二遷万年令果辨激絕身元末王叔文用事材公
之為舉以為容州經略使拜御史中丞服佩視三品管
有嶺外十三州之地林巒洞壑守條死妻不相漁劫稅
節賦時公私有餘削衣貶食不立資遺以班親舊為友
為義在容九年遷鎮桂州封清河郡公食邑三千戶中

人使授命書應待失礼客王違言微貳太僕未至貶處
州長史而坐使者以疾卒官年五十九其子越能輯父
事先失謹二致孝既葬碣墓請銘銘曰

房氏二相敝家以聞條葉被澤况公其孫公初爲吏亦
以門庇佐使于南乃始已致既辦万年命屏容服功緒
卓殊琅玕循葉維不順隨失署亡資非君之怨銘以著
之

唐故一无唐故銀青光祿大夫檢校左

散騎常侍兼右金吾衛大將軍贈工部
尚書太原郡公神道碑文并序

公諱用字師柔太原人莊憲皇太后之弟今天子之舅
太師之子太尉之孫司徒之曾孫元和五年上朝太后

昌十七

十七

南宮大褒外氏自外高祖王父而下至外王父咸冊登
公師事載之史皇太后昆弟准公一人於是時一作特
拜銀青光祿大夫太子少詹事未三月因遷大詹事賜
勳上柱國爵封郡國四于太原益掌廐苑之事公起外
戚子弟秩卑年少歲餘超居上班官尊職大朝夕兩宮
而能敬讓以敏持以礼法不挾不矜賓接士大夫高下
中度興官署一作嗜事滋久愈謹由是朝廷推賢所處
號治轉少府監太子賓客別職如初遷左散騎常侍兼
右金吾大將軍皆以選進不專爲恩十一年秋將以八
月葬莊憲太后前一月壬申以疾告薨春秋四十有七
上罷朝二日爲位以哭贈工部尚書十一月壬申葬于
万年縣落女原一作樂安原夫人河南胡氏號太原郡

夫人有子六人女一人葬得曰公之嫡壻京兆尹李修
一作脩謂太子右庶子韓愈曰子以文常銘賢公卿今
不可以辭應曰諾而為銘曰

有螭氏國實出炎軒蜀塗華摯正妃之門孰豐其川不
羨其源王氏周冑官封相繼一作繼二實生聖女以母
唐帝公惟后季天子吾甥卑躬慎德不與寵橫方年未
老后哀猶新如何不惠而殞其身刻文茲石久載攸存

昌黎先生文集卷第二十七

昌黎先生文集卷第二十八

墓銘

門人李

漢

編

曹成王碑

王姓李氏諱臯字子蘭諡曰成其先王明以太宗子國
 曹絕復封傳五王一本作世至成王嗣封在玄宗世蓋
 於時年十七八紹爵三年而河南北兵作天下震擾王
 秦母太妃逃禍民伍得一無得間走蜀從天子夫子念
 之自都水使者拜左領軍衛大將軍轉二國子秘書王
 生十年而失先王哭泣哀悲弟客不忍聞喪除痛自割
 磨豪習委已於學稍長重知人情急世之要恥一不通
 侍太妃從天子于蜀既孝既忠持官將一作持身內外
 斬斬由是朝廷滋欲試之於民上元元年除温州長史

昌六

行刺史事江東新刻於兵郡旱飢民交一作皆走死無

弔王及州不解衣下令倍餼擴一作擴門悉弃倉實與

民活救數十萬人奏報升秩少府監與去聲平袁賊仍

徙秘書兼處州別駕部告無事遷鎮于衡法成令脩治

出張弛聲生勢長上聲觀察使噎媚音墨不能出氣誣

以過犯御史劾之貶潮州刺史楊炎起道州相德宗還

王于衡以直前謾王之遭誣在治一作理念太妃老將

驚而戚出則囚服就辯入則擁笏垂魚坦坦施施即貶

于潮以遷入賀及是然後跪謝告實初觀察使殘虐使

將國一無國良成界良以武岡叛成一作成衆萬人斂

兵荆黔洪桂伐之二年尤張於是以王帥湖南將五萬

士以討良為事主至則屏兵投良以書中其忌諱良羞

畏乞降狐鼠進退王即假為使者從一騎蹕丑略反五
百里抵良壁鞭其門大呼我曹王來受良降良今安在
良不得已錯逆一作愕迎拜盡降其軍太妃薨王奔部

隨喪之河南葬及荆被詔責還會梁崇義友一云李希

烈王遜敢辭以還升秩散騎常侍明年李希烈反遷御

史大夫授節師江西以討希烈命至王出止外舍禁無

以家事關我裒兵大選江南一作州羣能著直略切職

王親教之搏徒官切力勾卒羸越之法曹誅伍甲必利

反艦步二萬人以與賊還五故反嘍鋒蔡山踣之剋斬

之黃梅大鞬如又反長平鏖普末反廣濟撤斬春撤斬

水掇黃岡筴古葉切著夾也漢陽行趾祖解子尔一反

汶川還大膊頗洛反蘄水界中披普靡反安三縣誅其

昌八

二

州斬偽刺史標匹遙反夢也光之北山詔他蓋反大食

也隨光化措其州十抽一推直追切救兵州東北一云

東西屬鄉一作鄉縣還開軍受降大小之戰三十有二

取五州十九縣民老幼婦女不驚市買不變田之果穀

下無一跡加銀青光祿大夫工部尚書改戶部再授節

臨荆及襄真食三百王之在兵天子西巡于梁希烈北

取汴鄭東略宋圍陳西取汝亳東都王坐南方北向落

其角距賊死咋不能入寸尺土將卒十萬盡輸其南州

王始政於温終政於襄拍平物估賤斂貴出民用有經

吏一取民使令一云吏一執民使令家聽戶視姦冗無

所宿府中不聞急步疾呼治民用兵各有條次世傳為

法任馬彞伊慎王鐔將王潜偕能盡其力既薨贈右僕

射元和初以子道古在朝更贈太子太師道古中進士
第遷司門郎刺利隨唐睦徵為少宗正兼御史中丞以
節督黔中朝京師改命觀察鄂岳蘄沔安黃提其師以
伐蔡且行泣曰先王討蔡實取沔蘄安黃寄惠未大今
余亦受命有事于蔡而四邑一作州適在吾封庶其有
集先王薨於今二十五年吾昆弟在而墓碑不刻無文
其實有待子無用辭乃序而詩之請辭一作其辭曰

太支十三曹於弟季或一作既亡或一作既微曹始就
事明之祖王畏塞絕遷零王黎公不聞僅存子父易封
三王守名延延百載以有成王成王之作一自其躬文
被明章武薦峻功蘇枯弱彊一云吹蘇枯彊齧口恨切
其姦猖以報于宗以昭于王一無以昭于王王亦有子

昌六

三

處王之所唯舊之視蹶蹶居衛及陞陞實取實一作育
一作其似刻詩其碑為示無止一作已

息國夫人墓誌銘并序

貞元十五年靈州節度使御史大夫李公諱藥守邊有
勞詔曰藥妻何氏可封息國夫人元和二年李公入為
戶部尚書薨夫人遂專家政公之男五人女二人而何
氏出者二男一女夫人教養嫁娶如一雖門內親戚不
覺有纖毫薄厚御僮僕一作僕使治居第生產皆有條
序居尊卑間無不順適命服在躬承祀孔時年若干元
和七年甲子曰南至以疾卒明年八月庚寅葬河南河
陽夫人曾祖某綏州刺史祖某潞州別駕父某晉州錄
事參軍二男戡左威衛曹一作倉曹參軍成左清道玄

府錄事參軍戡強以肅成敏以和女子嫁興元參軍鄭博古將葬戡與成以其事乞銘於其鄰韓愈愈乃爲銘曰

男子一作主外事治爲不易施于其家甚難吏治又况公侯族大而貴夫人是專厥聲惟懿昔在貞元有錫自天啓封備服以疇時動婉婉夫人有籍宮門克承其後以嫁以婚隨葬東土在河之陽遥望公墳而不同藏

試大理評事王君墓誌銘

君諱適姓王氏以讀書懷竒負氣不肯隨人後舉選見功業有道路可拍取而名節可以戾契致困無資地不能自出乃以于諸公卿貴人借助聲勢諸公卿貴人既志得皆樂熟軟媚耳目者不臣聞生語一見輒戒門以

昌天

四

絕上初即位以四科募天下士君笑曰此非吾時耶即提所作書緣道歌吟趨直言試既至對語驚人

不中策益困父之聞金吾李將軍名惟簡年少喜士可撼乃躋

一作躋門告曰天下竒男子王適願見將軍白事一見

語合意往來門下盧從史既節度昭義軍張甚奴視法度士欲聞無顧忌大語有以君生平告者即遣客鉤致君曰狂子不足以共事立謝客李將軍由是待益厚奏爲其衛曹參軍充引駕仗判官盡用其言將軍遷帥鳳翔君隨往改試大理評事攝監察御史充觀察判官榔圻肥瘠民獲蘇醒居歲餘如有所不樂一旦載妻子入關鄉南山不顧中書舍人王涯獨孤郁吏部郎中張惟素太史官一無官比部那中韓愈同發書問評故可

強起居即薦明年九月疾病興醫京師其月某日卒年四十四十一月某日即葬京城西南長安縣界中曾祖爽洪州武寧令祖微右衛騎曹叅軍父嵩蘇州崑山丞妻上谷侯氏處士高女高固奇士自方阿衡太師卅莫能用其言再試吏再怒去發狂投江水初處士將嫁其女懲曰吾以齟齬窮悴一女憐之必嫁官人不以與凡子君曰吾求婦氏久矣唯此翁可人意且聞其女賢不
可以失即謾謂媒媪曰吾明經及第且選即官人侯翁女幸嫁若能令翁許我請進百金為媪謝諾許白翁翁曰誠官人耶取文書來君計窮吐實媪曰無苦翁大人不疑人欺我得一卷文書粗若告身者我袖以往翁見未必取恥幸而聽我行一作施其謀翁望見文書銜軸

皇天

五

果信不疑曰足矣以女與王氏生三子一男二女男三歲夭死長女嫁亳州永城尉姚佺其季始十歲銘曰鼎也不可以拄車馬也不可以守閭佩玉曳裾不利走趨祇繫其逢不繫其巧愚不諧其湏一作願有銜不祛鑽石理辭以列幽墟

扶風郡夫人墓誌銘

夫人姓盧氏范陽人亳州城父丞序之孫吉州刺史徹之女嫁扶風馬氏為司徒侍中莊武公之冢婦少府監西平郡王贈工部尚書之夫人初司徒與其配陳國夫人元氏惟宗廟之尊重繼序一作緒之不易賢其子求婦之可與齊者內外親戚咸曰盧其舊門承守不失其初其子女聞教訓有幽間之德為公子擇婦宜莫如盧

氏媒者曰然卜者曰祥夫人適年十四入門而媪銜皆喜既饋而公姑交賀克受成福母有多子為婦為母莫不法式天資仁恕左右媵侍常蒙假與顏色人人莫不自在杖婢使數未嘗過二三雖有不憚未嘗見聲氣元和五年尚書薨夫人哭泣成疾後二年亦薨年四十有六九年正月癸酉耐于其夫之封長子教一作教一作教殿中丞繼祖孝友嗣類葬有日言曰吾父友惟韓文人視諸孤其性乞銘以其狀來愈讀曰嘗聞乃公言然吾宜銘銘曰

陰幽坤從維德之恒出為辯強乃匪婦能淑哉夫人夙有多譽柔嬪大家不介父母有事賓祭酒食祗飭協于尊卑畏我一作代之侍側乃嗣內事亦莫有施齊其躬

員一

六

心守大順之夫其先一作先其歸有室有丘合葬有銘壺彝是收

殿中侍御史李君墓誌銘并序

殿中侍御史李君名虛中字常容其十一世祖冲貴顯拓拔世父憚河南温縣尉娶陳留太守薛江童女生六子君最後生愛於其父母年少長喜學學無所不通最深於五行書以人之始生年月日所直日辰支干相生勝衰死王相斟酌推人壽夭貴賤利不利輒先處其年時百不失一二其說汪洋奧美關節開解萬端千緒參錯重出學者就傳其法初若可取卒然失之皇官曆工莫能與其校得失進士及第試書判入等補秘書省正字母喪去官卒喪選補太子校書河南尹奏疏授伊闕

尉佐水陸運使一作使故宰相鄭公餘夔繼尹河南以君為運佐如初宰相武公元衡之出劔西奏奪為親察推官授監察御史未幾御史臺疏言行能高不宜用外府即詔為真御史半歲分部東都臺遷殿中侍御史元和八年四月詔徵既至宰相欲白以為起居舍人經一月疽發背六月乙酉卒年五十二其年十月戊申葬河南洛陽縣距其祖澠池令府君僑墓十里君昆弟六人先君而死者四人其一人常為鄭之榮澤尉信道士長生不死之說既去官絕不營人事故四門之寡妻孤孩與榮澤之妻子衣食百須皆由君出自初為伊闕尉佐河南水陸運使換兩使經七年不去所以供給教養者及由蜀來輩類御史皆樂在朝廷進取君獨念寡稚求

昌二十八

七

分司東出嗚呼其仁哉君亦好道士說於蜀得秘方能以水銀為黃金服之異果不死將疾謂其友衛中行大受韓愈退之曰吾夢大山裂流出赤黃物如金左一作老人曰是所謂大還者今三年矣君既歿愈追占其夢曰山者良良為背裂而流赤黃疽象也大還者大歸也其告之矣妻范陽盧氏鄭滑節度使兼御史大夫羣之女與君合德親戚無一退言勇三人長曰初恊律次曰彪其幼曰還適三歲女子九人銘曰
不羸其身以尚其後人

昌黎先生文集卷第二十九

墓銘

門人李

漢

編

唐故朝散大夫商州刺史除名徙封董

府君墓誌銘

公諱溪字惟深丞相贈太師隴西恭惠公第二子十九

歲明兩經獲第有司沉厚精敏未嘗有子弟之過賓接

門下推舉一作人士侍側無虛口退而見其人淡若與之

無情者太師賢而重之父子間自為知己諸子雖賢莫

能望之太師累踐大官臻宰相致平治終始以禮號稱

名臣晨昏之助蓋有賴云太師之平汴州年考益高掣

持維綱鋤削荒蕪一作納之大和而已其囊篋細碎無所

遺漏繫公之由上介尚書左僕射陸公長源齒差太師

標望絕人聞其所為每稱舉以戒其子楊凝孟叔度以

材德顯名朝廷一作及來佐幕府詣門請交屏棄所挾

太師薨始以秘書郎選一作參軍京兆府法曹日伏階下

與大尹爭是非大尹屢黜已見歲中奏為司錄參軍與

一府政以能拜尚書度支員外郎遷倉部郎中萬年縣

令兵誅恒州改度支郎中攝御史中丞為糧料使兵罷

遷商州刺史糧料吏有忿爭相牽告者及於公願因徵

下御史獄公不與吏辯一皆引伏受垢除名徙封州即

元和六年五月十二日死相中年四十有九明年立皇

太子有赦許歸葬其子居中始奉喪歸元和八年十一

月甲寅葬于河南河南縣萬安山下太師墓左夫人鄭

氏祔公凡再娶皆鄭氏生六子四男二女男長曰全正

驗惠而早死次日居中好學善爲詩張籍稱之次日從直次日居敬尚小長女嫁吳郡陸暢其季女後夫人之子公之母弟全素孝慈友弟公坐事棄同官令歸公殯比葬三年哭泣如始喪者大臣高其行白爲太子中舍人將葬中舍人與其季弟澥問銘於太史氏韓愈三則爲之銘辭曰

物以久弊或以轢毀考致要歸孰有彼此由我者吾不我者天斯而以然其誰使然

貞曜先生墓誌銘

唐元和九年歲在甲午八月乙一作亥貞曜先生孟氏卒無子其配鄭氏以告愈走泣哭且召張籍會哭明日使以錢如東都供葬事諸常與往來者咸來哭弔韓氏遂

昌九

二

以書告興元尹故相餘慶閏月樊宗師使來弔告葬期徵銘愈哭曰嗚呼吾尚忍銘吾友也夫興元尹以弊如孟氏賻且來商家事樊子使來速銘曰不則無以掩諸幽乃序而銘之先生諱郊字東野父庭玢娶裴氏女而選爲崑山尉生先生及二季鄴郢而卒先生生六十七年端序則見長而愈蹇涵而揉之一作足內外完好色夷氣清可畏而親及其爲詩剡目鉢心刃迎縷解鈎章棘句搯擢胃腎一作皆盡神施鬼設間見層出唯其大翫於詞而與世採掇一作採人皆劫劫我獨有餘有以後時聞先生者曰吾旣儕一作儕而與之矣其猶足存耶年幾五十始以尊夫人之命來集京師從進士試旣得即去開四年又以命來選爲溧陽尉迎侍溧上去尉二年而故相鄭公尹

河南奏為水陸轉運從事試協律郎親拜其母於門內
母卒五年而鄭公以節領興元軍奏為其軍參謀試大
理評事挈其妻行次于閩鄉暴疾卒年六十四買棺以
斂以二人輿歸鄆郢皆在江南十月庚申樊子合凡贈
賻而葬之洛陽東其先人墓左以餘財附其家而供祀
葬張籍曰先生揭德振華於古有光於賢者故事有易
名况士哉如曰貞曜先生則姓名字行有載不待作講
說而明皆曰然遂用之初先生所與俱學同姓簡於世
次為叔父由給事中觀察浙東曰生吾不能學死吾知
恤其家銘曰

於戲貞曜維出不訾維持不猗維平不施以昌其詩作
於戲貞曜維出不訾維持不猗維平不施以昌其詩

昌二九

三

唐故秘書少監贈絳州刺史獨孤府君
墓誌銘

君諱郁字古風河南人常州刺史贈禮部侍郎憲公諱
及之第二子憲公躬孝踐行篤實而辯於文勸飭指誨
以進後生名穀垂延紹德惟克君生之年憲公歿世與
其兄朗畜於伯父氏始微有知則好學問咨稟教飭不
煩提諭月開日益卓然早成年二十四登進士第時故
相太常權公掌出詔文望臨一時登君於門妻以其子
選授奉禮郎楊於陵為華州時署君為鎮國軍判官奏
授協律朗朋游益附華問彌大元和元年對詔策拜右
拾遺二年兼職史館四年遷右補闕詔中貴人承瓘將
兵誅王承宗河北君奏疏諫召見問狀有言動聽其後

上將有所相不可於衆君與起居舍人李約交章指摘
事以不行五年遷起居郎爲翰林學士愈被親信有所
補助權公既相君以嫌自列改尚書考功員外郎復史
館職七年以考功知制誥入謝因賜五品服八年遷駕
部郎中職如初權公去相復入翰林九年以疾罷尋遷
秘書少監即閑居于郊十年正月病遂殆甲午輿歸卒
於其家贈絳州刺史年四十男子二人長曰某早死次
曰天官始十歲有至性聞呼父官與聞弔客至輒號泣
以絕女子一人夫人天水權氏贈太子太保貞孝公臯
之孫故相今太常德輿之女胤慶配良是似一作是宜四
月巳酉其兄右拾遺朗以喪東葬河南壽安之甘泉鄉
冢塋憲公墓側將以五月壬申窆謂愈曰子知吾弟以
敢屬以銘銘曰

貞孝公

日

於乎古風裸順而裏方不耀其章其剛不傷載美世命
一作服品金章而年載不羸惟後之成

唐故虞部員外郎安定張府君墓誌銘

尚書虞部員外郎安定張君諱季友字孝權年五十四
病卒東都明年某月兄子塗與其弟庾揆等護柩歸葬
長安縣馬額原夫人北海唐氏之封前事塗進韓氏門
伏哭庭下曰叔父且死幾於不能言矣張目而言曰吾
不可無告韓君別藏而不得韓君記猶不葬也塗爲書
致吾意已而自署其末與封敢告以請愈既與爲禮發
書云云其末有復一作語千萬永訣八字名日月與封皆
孝權迹孝權與余同年進士其上世有高者當字文時

爲車騎大將軍郟城太守卒葬河北諡曰忠公至孝權
間五世矣孝權大父諱奉先太子通事舍人父諱庭光
贈綏州刺史綏州之卒孝權蓋尚小母曰太原縣君縣
君一無縣君卒既葬孝權守墓樹松柏三年而後歸選
爲河南府文學去官徐州使拜章請爲判官授協律郎
孝權始不痛絕詔下大悔即詐稱疾不言三年元和初
徐使死孝權疾即日已試判入高等授鄆縣尉明年故
相趙宗儒鎮荆南以孝權爲判官拜監察御史經二年
拜真御史明年分司東臺轉殿中校皇甫氏子母病不
侍走京師求試職宰相怒曰吾故皇甫氏御史助所善
相戲法侮我皇甫媪何疾銜未決皇甫母果病死得解
遷留司虞部員外郎孝權爲人孝謹與人語恐傷之而
也昌集十六已是爲銘銘亡

唐故檢校尚書左僕射右龍武統軍劉
公墓誌銘

公諱昌裔字光後本彭城人曾大父諱承慶朔州刺史
大父巨敖好讀老子莊周書爲太原晉陽令再世官此
方樂其土俗遂著籍太原之陽曲曰自我爲此邑人可
也何必彭城父誦贈右散騎常侍公少好學問始爲兒
時重遲不戲恒若有所思念計畫及壯自試以開吐蕃
說干邊將不售入三蜀從道士游久之蜀人苦楊琳寇
掠公單船往說琳感歎雖不即降約其徒不得爲虐琳
降公常隨琳不去琳死脫身士沈浮河朔之間達中中

曲環招起之爲環檄李納指摘切刻納悔恐動心栢魏
皆疑惑氣懈環封奏其本德宗稱焉環之會下濮州戰
白塔救寧陵襄邑擊李希烈陳州城下公常在軍間環
領陳許軍公因爲陳許從事以前後功勞累遷檢校兵
部郎中御史中丞營田副使吳少誠乘環喪引兵叩城
留後上官浼一作說咨公以城守以能擒誅叛將爲抗
拒令敵人不得其便圍解拜陳州刺史韓全義敗引軍
走陳州求入保公自城上揖謝全義曰公受命詣蔡何
爲來陳公無恐賊必不敢至我城下明日領騎步十餘
抵全義營全義驚喜迎拜歎息殊不敢以不見舍望公
改授陳許軍司馬上官浼死拜金紫光祿大夫檢校工
部尚書代浼爲節度使命界上吏不得犯蔡州人曰俱

天子人奚爲相傷少誠吏有來犯者捕得縛送曰妄稱
彼人公宜自治之少誠慙其軍亦禁界上暴者兩界耕
桑交跡吏不可問封彭城郡開國公就拜尚書右僕射
元和七年得疾視政不時八年五月涌水出他界過其
地防穿不補沒邑屋流殺居人拜疏請去職即罪詔還
京師即其日與使者俱西大熱且暮馳不息疾大發左
右手轡止之公不肯曰吾恐不得生謝天子上益遣使
者勞問勅無亟行至則不得朝矣天子以爲恭即其家
拜檢校左僕射右龍武軍統軍知軍事十一月某日甲
子薨年六十二上爲之一日不視朝贈潞州大都督命
郎中弔其家明年某月某日甲子葬河南某縣某鄉某
原公不好音聲不大爲居宅於諸帥中獨然夫人邠國

夫人武功蘇氏子四人嗣子光祿主簿縱學於樊宗師
士大夫多稱之長子元一朴直忠厚使弓馬為淮南軍
衙門將次子景陽景長皆舉進士葬得日相與選使者
哭拜階上使來乞銘銘曰
提將之符尸我一方配古侯公維德不爽我銘不亡後
人之慶

昌黎先生文集卷第二十九

